

# Muip bantu institusi pendidikan

KUALA KRAU 14 Jan. - Institusi pengajian tinggi awam dan sekolah aliran agama lega serta bersyukur dengan bantuan yang disumbangkan Majlis Ugama Islam dan Adat Resam Melayu Pahang (Muip) dalam memartabatkan lagi pendidikan Islam di negeri ini.

Yang Dipertua Muip, Tengku Abdullah Sultan Ahmad Shah berkenan menyampaikan bantuan pendidikan tersebut kepada institusi-institusi terlibat di Bandar Tun Abdul Razak Jengka di sini baru-baru ini.

Rektor Kolej Universiti Islam Pahang, Datuk Yahya Zainal Abidin berkata, sumbangan sebanyak RM200,000 yang diterima akan dimanfaatkan untuk mengembangkan pendidikan Islam di institusi pengajian tinggi itu.

"Institusi ini semakin dikenali

(UTUSAN MALAYSIA DALAM NEGERI) 15 JAN 2016 h/s 27

berikutan peningkatan minat dan kecenderungan orang ramai terhadap pendidikan aliran agama," katanya.

Sementara itu, Naib Canselor Universiti Malaysia Pahang (UMP), Prof. Datuk Dr. Daing Nasir Ibrahim bersyukur kerana menerima bantuan pendidikan sebanyak RM200,000 daripada Muip yang akan digunakan bagi tujuan pendidikan seperti membeli buku-buku ilmiah untuk kegunaan mahasiswa.

Menurutnya, UMP kampus Gambang dan Kuala Pahang, Pekan melambangkan kejayaan kerajaan meletakkan pendidikan tinggi sebagai satu keutamaan kepada rakyat negeri ini.

Pegawai Hal Ehwal Agama Islam Kanan Universiti Teknologi Mara (UiTM) Pahang, Mohd. Nazir Ngah pula berkata, keprihati-

nan Muip mehyalurkan peruntukan khas pendidikan sebanyak RM50,000 dapat membantu universiti itu merangka program bagi membantu mahasiswa.

"Sumbangan ini besar maknanya terutama bagi membantu pe-nuntut yang berpendapatan rendah," katanya.

Dalam pada itu, Pengarah Jabatan Agama Islam Pahang (JAIP), Datuk Mohamad Noor Abd Rani berkata, jabatan berkenaan mendapat bantuan pendidikan sebanyak RM660,000 untuk diagihkan kepada 22 sekolah agama rakyat di negeri ini.

Katanya, bantuan tersebut bertepatan berikutan keperluan pentadbiran sekolah agama rakyat membeli pelbagai peralatan baharu sempena sesi baharu persekolahan 2016.